



《續修四庫全書》編纂委員會編

續修四庫全書

上海古籍出版社

七〇六・史部・地理類

〔乾隆〕鄞縣志三十卷首一卷 〔清〕錢維喬修 錢大昕纂

2468/04

〔乾隆〕鄞縣志

〔清〕

錢維喬
錢大昕
纂修

據華東師範大學圖書館藏清乾隆五十三年刻本影印原書版框
高一八四毫米寬二九〇毫米

乾隆戊申歲刊

鄞縣志

衙署藏板

新修鄞縣志序

鄞浙東大縣也國語句踐之地東至于鄞厥名舊矣今縣境在漢為鄞句章三縣之地唐始分越州置明州以鄞為附郭吳越有國改鄞為鄞自宋以來郡屢更名而縣名無改山水清嘉人

物秀異樓宣獻王深寧袁清容之流風奕世不忘攷明州圖經昉於宋乾道守臣張津厥後有胡槩之寶慶四明志吳潛之四明續志元則有袁楠之延祐四明志王元恭之四明續志明則有楊寶之四明郡志張時徹之寧

波府志文獻流傳遠有代序而縣獨未有志

國朝康熙初邑人聞性道躬修頗為詳備而拙於文詞未為通人所許越今又百餘年矣田疇之墾闢戶口之餘庶官師之除代科目之登選鄉先達之嘉言懿

序

行皆當大書特書以備史館采訪若不及時裒輯勢將日就湮沒更歷十數以書生困於簿牒俗吏窘於文翰政事文學之弗宜乎其視為不急之務而懸置之也武進錢君竹初為尚書文敏公介弟以名孝廉領襲風雅及

宰絲湖省由遂昌調任此邑數載以來政通人和已膺大府薦剡遷擢有期乃與邑中士大夫議修縣志鉤稽按牘籌畫經費幾凡起例既詳且慎吾鄉少詹事錢公曉徵養病里居與君有舊敦聘至鄞相占考覈

序

史傳商榷異同不特續舊志之未備更且補前人之闕佚訂訛糾謬厥功尤偉此非一鄉一邑之書而千秋不朽之書也彼武功朝邑之志徒以簡畧朦朧傳誦列今况辭嚴事覈質而有文如此志者固已十倍過之哉

予自揆垣幕

恩命觀察此邦與君共事有
年綆短汲深時賴述所不逮今
又樂觀新志之成深為此邦
父獻幸也爰不辭而序之

乾隆五十三年四月

賜進士出身浙江巡寧紹台兼

序

管水利海防兵備道寶山印憲

曾撰



鄞縣志序

寧波古角白東地秦漢屬會稽
郡枕山臂江抱負滄海實東南
之要會予以癸卯之夏來守是邦
愛其山川風物之粹爰而邪之
人而安予之拙也嘗因郡志歷久
未修典制缺略思為探纂前記

序

勒一書以備掌故輕才庸受曾
未能為也倚郭之邑曰鄞地大
物衆甲諸邑號稱繁望武進
錢君竹初用名孝廉莅之有年恪
勤官次施教申台政通而人蘇
予固已灑然昇之矣而君撫字之
餘尤留意於邑乘縛心壹力薈纂

錯綜討故載庫新聞禮碩茂以
任之炳丹青以飾之疆域之沿革
農田水利之廢興無不詳也官司
人物之賢者能者有益於民者
以及潛德之幽光霜閨之貞行無
不甄而著也庶學兵防之鉅時
俗物產之細無不廣記而備言也
序

開函燦然盈耳溢目其事核其
文辨以裁信乎其為善志也郡
國之志條叙始末繼此南陽造
風俗之篇襄陽標耆舊之傳陳
留汝南楚國華陽述先賢表
士女紀風土日侈以餘而會稽
有典錄有先賢傳明越之志蓋

權輿于此其專志則在宋有張州
將津圖經吳制使潛慶元志胡
尚書渠寶慶志載在晁公武讀
書志者別有姜氏嶼之風物志
在元明有袁學士楠王總管元泰
黃金事潤王楊博士實張尚書時
徹之志予嘗博攷焉近時所用為
序

富平曹公踵邱李二守之舊成
書三十六卷雖亦翔實有灋然
歷年既久亟宜續初續業予既
媿有志未逮竊喜君之擴掾斬
叙以成之者有以深歎予心也班
固氏有言有因而成易無因而成
難鄭志自汪令源澤纂輯後

閱百年而君始紹之用力之難易
有倍於無因者昔溫公稱宋次道長
安河南二志雖因韋述舊記而詳
不啻十餘倍歎為真博物書吾家
同甫送徐子才宰富陽羨其隨
所寓而常有餘殆君之謂與師
曠之調鐘瑛知音之在後也他日

序

四

有茲茲土而考鏡前聞者其將
視此書為軌律也夫時

乾隆五十二年歲在丁未嘉平月

寧波府知府桂林陳鍾琛謨



重脩鄞縣志序

周禮大司徒之屬有土訓掌道地置以
詔地事誦訓掌道方志以詔觀事郡縣
之志殆由此昉寧蓋一邑之山川疆域
兵農賦役人物政治非有載藉臚列之
在官無以考鏡於成迹在民無以觀感
於前刑是志也查向土之吏舉邦之士
交有實惠者也鄞為古句角地浙東一

序

望縣也負山濱海形勢扼要有魚鹽市
舶之利宋元迄明人心尤蔚然稱盛乃
罕甫下車即訪求邑乘自間貢士脩輯
後已閱百車續有太向曹公之郡志亦
癸卯十季矣此六十年中風俗之變
遷政事之沿革未知何如而典章散佚
文獻凋零已可槩見崇在乙巳爰延家
唐畢曉徵王纂脩之任舉邑中碩學搜

羅李訂冗者汰之闕者補之謫者正之
中間予偕計吏北行局遂輟丁未踵行
前後計一稔餘乃蔽事焉詹事博雅醇
儒復虛中乘我集衆譴而勤三不倦譴
大譴小書成事詳而文簡可當良史矣
抑予因之有感焉

天子置令岳親民之官所明甚厚苟能
興利除害舉百姓休戚如一體雪竟陵
序

尹盡之羞數中牟三異之美庶幾上縣
負

聖朝下不忝厥職考前志名宦各錢氏
如康憲之濬廣德湖它山堰君倚安酒
場官粥之制以蘇衙前之困代有施澤
流播明州君倚嗣又毘陵人也坐和玉
芳洲陸岱瞻二公皆各乘梓前取曾官
茲土莫不循績炳著簡冊予何人斯承

乏中牟矣錄三薄書明會間舉時俯仰
豪無片藉及民雖牽巡諸君子後稍分
系枝之勞狀稽戶口之日繁則懼撫綏
之不易也覽隄防之多廢則慮水庸之
難復也科名減而漸衰習俗漓而先舊
則慙禮教之未逮而振興之不力也良
規具在地方竟無起色傳有之受人牛
羊求牧而不得謂之何哉惟重有望

序
於後之賢者司而已矣時乾隆五十二
年七月鄞縣知縣武進錢維高序



邑人范永祺書



鄞縣志

凡例

一鄞志自康熙二十五年間貢士性道修葺迄今已及百載遺聞舊事漸就佚茲博稽載籍參以采訪賦役營伍徵諸吏牘人物事蹟聚諸鄉評庶可補前志之遺文爲一方之徵信

一論語贊堯之則天必云煥乎文章

國朝

列聖相承右文稽古

宸章奎畫炳耀海內鄞邑雖在海隅而故家士族名山琳宇時蒙

鄞縣志

凡例

頒賜謹錄

天章於首卷以爲守土之榮

一志之有圖如人有眉目聞志祇有郡治縣境兩圖殊未該備今按縣城爲本府附郭城內城外水利關係民生利病學官爲人士之觀瞻海防爲軍政之樞要范氏天一閣圖式曾恭呈

御覽四明育王天童又一方之名山福地今皆圖而列之俾觀者瞭如指掌

一宋乾道新安志嘉泰會稽志景定建康志咸淳臨安志皆詳贍有法其紀一邑者若高似孫之剡錄楊潛之雲間志亦皆文質彬彬足備一方之文獻明之武功朝邑諸志

專以簡勝未免爲空疎藏拙之地矣四明文獻甲於兩浙若網羅太廣恐卷帙紛繁又有疥駱駝之誚博觀約取此中頗有苦心焉

一漢時鄞城在今縣東三十里所謂鄞山城也廢於隋而復立於唐其治在小溪李志謂徙治故鄞城者誤也大歷中移縣於三江口而郡與縣分長慶初州治與縣治互易而郡與縣仍分曹志謂鄞縣之附郭始此亦誤也鄞縣之附郭其在唐季乎前志略而不言近志遂多臆揣茲特考而正之

一志中取材或據歷代正史或採地理書如元和郡縣志

鄞縣志

凡例

類志之或名公詩文集或稗官小說或家傳誌狀俱仿咸淳

臨安志之例於各條之下注出書名庶無攘善之嫌亦無杜撰之誚或略加櫟括則曰據或曰采或曰參用要無失乎古人之本意也

一公署賦稅戶口兵制諸門皆據公文案牘亦於各條之下注明某衙門來文某科檔冊以憑徵信

一鄞邑江海環匯衆流所趨古人設立堰碶以資灌溉城中日月兩湖受上游諸水又有氣食水三喉以宜導之歲久湮塞今已鳩工開濬復其舊道故敘述水利較之舊志爲詳

一職官選舉姓名俱列於表其政績昭著德業可稱者別

爲立傳職官表祇載本縣官師不及統轄大僚者縣志之體也名宦則監司郡守皆兼載之功德及民例當俎豆學官且附郭之邑受恩尤親切也

一名宦止述其有德於一方者如曾子固王介甫范致能諸人但敘其在任事蹟若立朝本末自見正史毋庸覲縷一志中所載人物略仿國史之例但國史善惡兼書志則有美無刺故有名位貴顯而不得立傳者若一人之身瑕瑜不掩則當節而取之倘任情愛憎以黑爲白豈惟公論難掩亦恐鬼責莫逃

一古人事蹟當以正史爲憑胡制使袁學士之書所述遷除次第奏議建白皆灼然可信雖於鄉先達之短或諱而

鄞縣志

凡例

三

不言亦見古人恭敬桑梓之義讀者可於言外得之也後人不信舊志而好采家傳乍閱之風節矯然徐考之了無實據假冒官資造作故事以子虛亡是之言欲令千秋尸祝人心風俗之蠱莫此爲甚成化嘉靖志所補宋人傳多坐此病今稍汰其太甚者而於辨證中詳言之若舊闕而今增則必引據史傳及名人撰述文集信而可徵者不敢徇一家之私乘以滋後世之惑也

一進士登第例載某年唐宋以後諸史皆然金史間有書干支者不足法也朱氏明詩綜亦稱干支非史傳也舊志多舉干支今依史例正之

一別號非古也私諡古人雖有之後世則諛而濫矣今皆

刪去以省繁蕪

一魏南仲張才彥朱新仲等皆非鄞產而卜居斯土子姓相承寶慶延祐二志俱已列諸人物矣蔣浚明雖籍隸奉化而世居湖上有金紫之巷故亦列諸人物非妄爲援引也朱長文蘇州人而舊志進士題名列之豈其先世出自明州耶今依舊志不爲立傳而藝文類附見其撰述云

一志中所列寓賢大半正史有傳生平大節毋庸更爲縷述惟據其在鄞事迹書之若徐季海爲州別駕張橫渠以治苗振獄至明究與寓公有別或謂朱文公嘗寓郡學則無稽之言也今皆不取

一人品定論必在身後名宦人物見存者例不立傳惟貞

鄞縣志

凡例

四

節之婦已經

朝廷旌表者不分存歿俱著於編

一貞女節婦已遷旌表者俱得立傳更有身處窮約無力闢揚而行義灼然衆所共信者亦皆兼錄以慰苦節

一藝文一門唯取邑人著述書目按經史子集四部分類編次若詩文之有關於掌故者以類附入各門亦用景定建康咸淳臨安二志之例

一前賢撰述見於正史舊志者俱分類編入藝文近代諸公著作如林須會經刊刻傳鈔已有定本可以傳世者乃著於錄不敢循名泛列以昭慎重

一羅端良新安志曾立金石一門明州故有刺史裴儼王

密二碑出於李陽冰篆又有韓擇木開元寺碑柳公權金剛經今皆不復存矣茲據其見存者考而錄之宋元以前斷碑隻字悉著於錄明碑則擇其文字之佳者

一前人題詠序記業已散附各門至如陸士龍書王介甫鄞縣經遊記王伯厚七觀全紹衣湖語李杲堂萬季野竹枝詞皆春容大篇傳誦人口而難以附見一處今依袁清容之例彙爲一卷以土風名之

一古人作志必先聚書惟儲萬卷之儲乃可資攷證之益鄞邑故多藏書家但范氏天一閣書例不假出虛中翰址抱經樓收藏最富志局初開盡出插架善本以供檢閱文獻之徵實有賴焉

鄞縣志

凡例

五

一秀水朱氏輯日下舊聞自謂中間滲漏隨覽隨悔蓋精神有未到聞見有未周著書之家不敢自謂必無遺憾也此志之成雖邑中同志互相商榷采訪亦勤較之聞性道原本竊謂文減事增矣補遺訂譌更有望於後之君子

修書姓氏

鑒定

浙江分巡寧紹台海防兵備道印憲曾 江蘇寶山人 辛未進士

浙江寧波府知府 陳鎮琛 廣西臨桂人 已卯舉人

承修

浙江寧波府鄞縣知縣加通判銜錢維喬 江蘇武進人 壬午舉人

總修

詹事府少詹事兼翰林院侍講學士錢大昕 江蘇嘉定人 甲戌進士

分纂

原任溫州府平陽縣教諭盧 鎬 本縣人 癸酉舉人

侯選

知縣 蔣學鏞 本縣人 辛卯舉人

鄞縣志

姓氏

侯選 教諭 倪象占 象山縣人 庚子領貢

廩生 袁 鈞 本縣人

參校兼采訪

舉人 范永祺 本縣人

舉人 黃定衡 本縣人

廩生 孫 蔚 本縣人

鄞縣志目錄

序

凡例

圖

卷首

天章

卷一

建置沿革

星野 疆域
形勝 風俗

卷二

城池

鄉里 街巷 坊表 市鎮
橋梁 津渡 郵站

卷三

鄞縣志

目錄

一

山川

卷四

水利

卷五

學校

書院 公署

卷六

田賦

戶口 倉儲 兵制 海防
鹽課

卷七

壇廟

卷八

職官

卷九

選舉上

卷十

選舉下

卷十一

名宦

卷十二

人物一

卷十三

人物二

卷十四

鄞縣志

目錄

二

人物三

卷十五

人物四

卷十六

人物五

卷十七

人物六

卷十八

孝義 藝術 寓賢

卷十九

列女

卷二十	仙釋
卷二十一	藝文上
卷二十二	藝文下
卷二十三	金石
卷二十四	古蹟 冢墓
卷二十五	寺觀
鄧縣志	目錄
卷二十六	雜識上 紀事 祥異
卷二十七	雜識下 叢談
卷二十八	物產
卷二十九	土風
卷三十	辨證 舊志源流



